

102/1  
KISWAHILI  
Karatasi ya 1  
INSHA  
Okt./Nov. 2015  
Muda: Saa  $1\frac{3}{4}$



THE KENYA NATIONAL EXAMINATIONS COUNCIL  
Kenya Certificate of Secondary Education  
KISWAHILI  
Karatasi ya 1  
INSHA  
Muda: Saa  $1\frac{3}{4}$



00107057

**Maagizo**

- (a) Andika insha **mbili**. Insha ya kwanza ni ya **lazima**.
- (b) Kisha chagua insha nyingine moja kati ya hizo tatu zilizobakia.
- (c) Kila insha isipungue maneno **400**.
- (d) Kila insha ina alama **20**.
- (e) Kila insha **lazima** iandikwe kwa lugha ya Kiswahili.
- (f) Insha zote **sharti** ziandikwe katika kijitabu cha majibu ulichopewa.
- (g) **Karatasi hii ina kurasa 2 zilizopigwa chapa**.
- (h) **Watahiniwa ni lazima wahakikishe kwamba kurasa zote za karatasi hii zimepigwa chapa sawasawa na kuwa maswali yote yamo.**



**1 Lazima**

Wewe ni katibu wa jopokazi lililoteuliwa kuchunguza vyanzo vya ongezeko la visa vya wanafunzi katika eneo la Telekeza kuacha shule kabla ya kukamilisha masomo yao. Andika ripoti ya uchunguzi huo.

**2** Andika insha kuhusu umuhimu wa tamasha za muziki katika maisha ya vijana.

**3** Tunga kisa kitakachodhihirisha maana ya methali ifuatayo:

Usipoziba ufa utajenga ukuta.

**4** Tunga kisa kinachoanza kwa maneno yafuatayo:

Nilimtaazama kwa muda. Macho yake yalijaa machozi ya furaha na majonzi...

**HUU NDIO UKURASA WA MWISHO ULIOPIGWA CHAPA.**

Jina ..... Nambari ya Mtahiniwa .....

102/2

KISWAHILI

Karatasi ya 2

LUGHA

Okt/ Nov. 2015

Muda: Saa 2½

Sahihi ya Mtahiniwa .....

Tarehe .....



THE KENYA NATIONAL EXAMINATIONS COUNCIL

Kenya Certificate of Secondary Education

KISWAHILI

Karatasi ya 2

LUGHA

Muda: Saa 2½



00108058

**Maagizo**

- (a) Andika jina lako na nambari yako ya mihani katika nafasi ulizoachiwa hapo juu.
- (b) Tia sahihi yako kisha uandike tarehe ya mihani katika nafasi ulizoachiwa hapo juu.
- (c) Jibu maswali yote.
- (d) Majibu yote yaandikwe katika nafasi ulizoachiwa katika kijitabu hiki cha maswali.
- (e) Majibu yote lazima yaandikwe kwa lugha ya Kiswahili.
- (f) Usitoe ukurasa wowote kutoka kwenye kijitabu hiki.
- (g) Karatasi hii ina kurasa 12 zilizopigwa chapa.
- (h) Watahiniwa ni lazima wahakikishe kwamba kurasa zote za karatasi hii zimepigwa chapa sawasawa na kuwa maswali yote yamo.

**Kwa matumizi ya mtahini pekee**

Swali	Upeo	Alama
1	15	
2	15	
3	40	
4	10	
<b>Jumla</b>	<b>80</b>	



1 **UFAHAMU:** (Alama 15)

*Soma kifungu kifuatacho kisha ujibu maswali.*

Siku moja nilifika kumwona babu yangu kule kwetu kijijini bila kumtolea taarifa mbele. Nilipofika nilimkuta amevaa magwanda yake yaliyokula chumvi hadi yakakinai. Alinitazama huku akitabasamu akisema, “Tabia hii ya kuja kwako bila taarifa utaikoma. Ukiendelea hivi utakuja kwenda kwa wakwe wako upate ndio wanakwenda uchi.”

Kauli hii ya babu ilinifanya kucheka. Tulisalimiana huku tunapigana pambaja. Harufu ya manukato niliyojirashia asubuhi hiyo ilikutana na kuchanganyika na harufu ya jasho lake. Baadaye tuliingia ndani, tukaketi kwenye makochi yaliyokuwa yameanza kuonyesha dalili za kuchoka. Baada ya kuulizana habari za kimsingi nilitaka kujua alipokuwa nyanya.

“Nyanyako ameenda kumwona jirani yetu mgonjwa. Amepata ajali akitoka mjini alikokuwa ameenda kuwatembelea wajukuu wake. Raha yote ya kuwaona iligeuka karaha.” Alinyamaza kidogo, akaguna, kisha akaendelea, “Barabara hizi, sijui mwaziita ‘haibei’, zimewala watu wetu. Huwezi kuwahesabia vidole tena.”

Kwa muda nilikosa la kusema. Niliona niubadili mkondo wa mazungumzo. Nilianza kwa kumweleza kuwa mazingira ya kijijini yalipendeza. Kwa kweli mandhari yale ya kijani kote hadi upeo wa macho yalinesisimua sana. Sauti za ndege zilikuwa mfano wa muziki wa chini uliochezwa ili kuyapamba mazungumzo yetu. Mara mojamoya nilitekwa na sarakasi ya jogoo aliyetanua mabawa yake na kukaribia kuzungumza, utadhani ni sauti ya mwanadamu. Nilipokuwa ninamtazama yule jogoo, nilishtukia mkono wa babu ukiushika wangu, akaniongoza nje akisema, “Haina haja kuyamezameza mate. Huyu jogoo ni wako. Leo tutamfanya kitoweo kwa ajili yako. Najua kule mjini mnakula kuku wa miigizo tu. Faida yao kwa mwili ni duni.”

Tulishirikiana kumkamata yule jogoo lakini baada ya muda nilichoka. Moyo wangu ulikuwa unapiga kwa nguvu ajabu. Niliona kisunzi, nikakaa. Nikiwa ninajipumzisha chini ya kivuli cha mpera nilisikia sauti za watoto waliokuwa wamejiunga na babu kumkamata yule jogoo.

Tukiwa tunasubiri chakula cha mchana, niliona hii kuwa fursa mufti kumweleza babu kwamba nilifika kusudi niende naye mjini. Nilipolitamka tu hili alicheka sana. Aliniambia, “Mji ni wenu nyinyi. Sisi watu wa shamba raha yetu ni kufukuzana na kazi hizi za sulubu. Kwenda kukaa mjini na nguvu zote hizi faida yake nini? Nasikia siku hizi huko mjini kuna misongamano ya magari isiyoisha. Kuna haja gani kwenda kushinda kwenye gari kuharibu muda wako kwa sababu ya msongamano? Mimi hapa kwangu nikitaka kwenda kuzitekeleza shughuli zangu sipati kizuizi. Ninakwenda tu.”

“Sikiliza babu,” nilimwambia, “maji una raha yake. Wingi wa magari ni ishara ya maendeleo. Uwezo wa kifedha wa watu uko juu kuliko wa hapa kijijini. Leo hii mtu akipatwa na dharura ya ugonjwa hapa, kijiji kitafanya takilifu kumfikisha hospitalini. Mjini usafiri upo kila mahali wakati wowote.”

“Kule mjini mnadai kuona mwanga na kuujua ustaarabu ila mmenoa,” alisema babu, “maisha yenu, afadhali ndege warukao angani. Ni kama mnachupa kutoka upande mmoja hadi mwingine, kana kwamba mnaendeshwa kwa nguvu za mtambo usioonekana. Jamaa hawajuani tena. Mizizi yenu hamuitambui. Mmekuwa mithili ya miti inayopendeza lakini isiyo na mizizi ya kutosha. Upepo hafifu uvumapo inalemewa na kujibwaga chini. Je, huo ndio ustaarabu? Ustaarabu kwetu sisi watu wa hapa kijijini ni mtu kuwaamkua wenzake kila kukicha. Ni kujuliana hali. Ni kuombana kibaba cha unga au kibakuli cha mboga. Tunaishi tukijuana, si majina na sura tu, bali pia hata upishi wetu. Nyinyi mnaishi pasi na kujua majirani wenu. Je, wewe hukuona hata kuku wangu hawa wanatangamana?”

Swali hili lilipoachiliwa nilihisi kama aliyetwikwa nanga. Kijasho chembamba kilinitoka. Kwa bahati nzuri meza ilikuwa imeisha kuandaliwa; kipindi cha kupambana mezani kikawadia. Nilipokuwa nikila nilitambua kitu kimoja; yule kuku alikuwa na ladha ya kupendeza, tofauti na tuliozoea kuwala kule mjini. Ila nililoliona tu ni kuwa alikuwa mgumu kidogo. Nilipokuwa nikilifikiria hili niliisikia sauti ya babu tena.

“Chunga asikung’oe meno. Huyu ni kuku hasa. Atakusaidia kuimarisha meno. Hutakuwa na haja ya kwenda kumwona daktari wa meno. Sisi hapa hata kushiriki chakula kunatukumbusha kuwa kila shughuli ni kazi tosha. Hatuna muda wa kulaza damu.” Alichukua bilauri ya maji, akapiga tama, kisha akaendelea kuinyofoa sima yake ya bada.

- (a) Huku ukirejelea kifungu, fafaua faida **sita** utakazopata ukiishi shamba. (alama 6)

.....

.....

.....

.....

.....

.....

.....

.....

.....

(b) Eleza mtazamo wa wahusika wafuatao kuhusu mji:

(i) msimulizi (alama 3)

.....

.....

.....

.....

(ii) babu (alama 4)

.....

.....

.....

.....

.....

(c) Andika maana ya fungu lifuatalo la maneno kwa mujibu wa taarifa: (alama 1)

kwenda kwa wakwe wako upate ndio wanakwenda uchi

.....

(d) Andika kisawe cha: (alama 1)

Niliona kisunzi

.....

**2 UFUPISHO:** (Alama 15)

*Soma kifungu kifuatacho kisha ujibu maswali.*

Katika ulimwengu huu tunaoishi wenye hekaheka nyingi, mwanadamu anaendeshwa na maisha mfano wa gurudumu la gari. Kwa watu wenye kufanya kazi katika mazingira ya ofisi ambapo wanaketi mchana kutwa, mazoezi ni muhimu sana. Baadhi ya watu huona fahari wapigapo tai na kuelekea au kutoka kazini kwa gari. Tabia hii ya mwanadamu inamsahaulisha kuwa mwili wake ulidhamiriwa kufanya mazoezi ya viungo kwa kutembea au kufanya kazi zenye kuhitaji misuli kupashwa moto. Watu wengi hawana habari kuwa mazoezi yana faida tele kwao.

*Kenya Certificate of Secondary Education, 2015*

102/2

00108058

Wataalamu wa sayansi wamebainisha kuwa watu wanaoidhiki miili yao kwa mazoezi ya mara kwa mara huishi zaidi kuliko wasiofanya mazoezi. Watu hawa huwa wamo katika hali nzuri ya afya na wenye nguvu kuliko wale ambao hawaishughulishi miili yao kwa mazoezi au kazi zinazohitaji utumiaji nguvu.

Ni dhahiri kwamba mazoezi huchochea kuundwa kwa seli mpya za ubongo. Utafiti wa kisayansi umebainisha kuwa sehemu za ubongo zenye kosisimuliwa kwa mazoezi ndizo hutekeleza jukumu la kukumbuka na kujifunza. Bila mazoezi sehemu hizi zitashindwa kukumbuka au kujifunza maarifa mapya. Vile vile, imethibitishwa kwamba watu wanaoshiriki shughuli zenye kuwahitaji kutumia nguvu hutia fora katika mambo yanayowahitaji kukumbuka, kufanya maamuzi, pamoja na kusuluhisha matatizo.

Hali kadhalika, mazoezi huimarisha siha ya binadamu. Mathalani, matatizo ya moyo yanaweza kukabiliwa kwa kufanya mazoezi ya viungo. Kufanya mazoezi mara kwa mara huifanya moyo kuwa imara na kuuwezesha kutekeleza jukumu lake ipasavyo. Ifahamike kwamba moyo wenye siha huweza kupiga kiasi kikubwa cha damu bila ya juhudi kubwa. Hili bila shaka litamkinga binadamu dhidi ya kulemewa na kazi.

Isitoshe, kushiriki mazoezi au shughuli zenye kutumia nguvu mara kwa mara huuweka mwili katika hali nzuri ya kupambana na magonjwa. Utafiti wa kisayansi umeonyesha kuwa shughuli kiasi zinazomhitaji mtu kutumia nguvu, pamoja na upunguzaji wa uzito, na uzingatiaji wa lishe bora, huweza kupunguza uwezekano wa kupata ugonjwa wa kisukari kwa baina ya asilimia 50 na 60. Mazoezi hayapunguzi tu shinikizo la damu, bali pia hatari ya kupata kiharusi. Aidha, kufanya mazoezi mara kwa mara husaidia kudhibiti uzani wa mwili. Mtu anapokula kiasi cha chakula kinachozidi mahitaji yake ya kimwili huweza kujinenepea na kushindwa kutekeleza majukumu ya kimsingi. Mazoezi husaidia kuzichoma kalori zisizohitajika mwilini. Hatua hii, licha ya kusaidia kupunguza uzani, huvisisimua viungo vya mwili. Matokeo ya haya ni utendakazi wa hali ya juu bila kuchoka. Vilevile mwili unaofanya mazoezi haudorori. Umbo la mtu anayefanya mazoezi hupendeza.

Juu ya hayo, kufanya mazoezi mara kwa mara husaidia kujenga misuli yenye nguvu. Misuli inapokuwa na nguvu tunaweza kulifanya jambo kwa muda mrefu bila kuchoka. Mbali na misuli kuimarika, mazoezi na shughuli zinazohitaji utumiaji nguvu husukuma hewa na virutubisho kwenye viungo mahususi vya mwili na kuvisaidia kufanya kazi vyema zaidi.

Hali kadhalika, mazoezi husaidia kujenga mifupa. Kadiri binadamu anavyoshiriki katika shughuli kama vile kuruka, ndivyo anavyoimarisha mifupa yake. Shughuli ya aina hii huipa mifupa uzito ambao unaiwezesha kukua na kujengeka ikiwa na nguvu. Mazoezi pia hukawiza kudhoofika kwa mifupa.

Kunyooshanyoosha viungo nako huchangia kuufanya mwili kuwa imara na wenye kunyumbuka. Hali hii ya mwili hupunguza uwezekano wa kupata majeraha. Mwili usionyumbuka humfanya mtu ashindwe kutekeleza hata shughuli nyepesi zinazomhitaji kutumia nguvu. Si ibra kupata kwamba kuitekeleza shughuli ndogo tu humfanya mtu kupata maumivu.

Utulivu wa akili nao huweza kupatikana kwa kufanya mazoezi. Imebainishwa kwamba kufanya mazoezi kwa angalau dakika thelathini kwa muda wa baina ya siku tatu na tano kwa wiki hupunguza kwa kiasi kikubwa, dalili za unyong'onyevu. Na je, wajua kwamba kufanya mazoezi husaidia kupata usingizi? Mazoezi ni mfano wa bembea inayokutuliza na kukupa usingizi.

Mke ni nguo, mgomba kupaliliwa. Nao mwili wa binadamu, kama mgomba, unahitaji kushirikishwa katika mazoezi ili kuuwezesha kuwa na hamu ya kutenda kazi.

- (a) Kwa kurejelea aya **tano** za kwanza, eleza matatizo ya kiafya yanayoweza kupatikana kwa kutofanya mazoezi. (maneno 100) (alama 9, 1 ya mtiririko)

**Matayarisho**

.....

.....

.....

.....

.....

.....

.....

.....

.....

.....

**Nakala Safi**

.....

.....

.....

.....

.....

.....

.....

.....

.....

.....



.....

.....

.....

.....

.....

.....

.....

.....

(b) Fupisha ujumbe wa aya **tano** za mwisho kwa maneno 80. (alama 6, 1 ya mtiririko)  
Matayarisho

.....

.....

.....

.....

.....

.....

.....

.....

Nakala Safi

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

## 3 MATUMIZI YA LUGHA: (Alama 40)

- (a) Andika sauti zenye sifa zifuatazo: (alama 2)
- (i) nazali ya kaakaa laini .....
- (ii) kikwamizo ghuna cha mdomo na meno .....
- (iii) irabu ya nyuma, wastani .....
- (iv) kiyeyusho cha kaakaa gumu .....
- (b) Bainisha silabi katika neno: wanyweshavyo. (alama 1)
- .....
- (c) Andika upya sentensi ifuatayo kwa kubadilisha nomino zilizopigiwa mstari kuwa vitenzi.  
Wafanyakazi wote watafanyiwa tathmini ili kupata suluhu ya matatizo hayo. (alama 2)
- .....
- (d) Andika sentensi ifuatayo katika umoja.  
Mkihifadhi nafaka hizo vizuri maeneo haya yatakuwa na vyakula vya kutosha. (alama 2)
- .....
- (e) Andika neno **moja** lenye mofimu zifuatazo: (alama 2)  
nafsi ya kwanza wingi, wakati uliopita, yambwa, mzizi, kauli tendesha, kauli tenda
- .....
- (f) Tunga sentensi kuonyesha matumizi yafuatayo ya neno: kama (alama 2)
- (i) kiunganishi
- .....
- (ii) kikusishi
- .....
- (g) Tunga sentensi yenye kishazi kirejeshi ambacho ni kivumishi. (alama 2)
- .....
- (h) Andika sentensi ifuatayo katika hali ya ukubwa.  
Nyumba hizo zilijengwa mbali na mji ule. (alama 1)
- .....

- (i) Tunga sentensi yenye muundo ufuatao: (alama 2)  
nomino ya jamii, kirai kihusishi, kitenzi kishirikishi, kielezi cha mahali
- .....
- (j) Andika sentensi ifuatayo kulingana na maagizo. (alama 1)  
Chakula kinachozalishwa kwa njia za kiasili kina viinilishe vingi.  
Anza kwa: Viinilishe vingi
- .....
- (k) Tumia viwakilishi badala ya nomino zilizopigiwa mstari. (alama 1)  
Mtalii atazuru mbuga.
- .....
- (l) Akifisha sentensi ifuatayo: (alama 3)  
basi mwanangu akasema daudi hivyo ndivyo tunavyoweza kufikia vision 2030  
wewe waonaje
- .....
- (m) Unganisha sentensi zifuatazo kwa kutumia kiunganishi cha wakati. (alama 1)  
Beti alijishindia tuzo. Beti alishiriki katika utunzaji wa mazingira.
- .....
- (n) Tumia 'kwa' katika sentensi kuonyesha: (alama 2)
- (i) sababu
- .....
- (ii) pamoja na
- .....

(o) Changanua sentensi ifuatayo kwa kielelezo cha matawi.

Mvua ilinyesha tulipokuwa tukilima.

(alama 3)

.....

.....

.....

.....

.....

.....

.....

.....

(p) Andika sentensi ifuatayo katika kauli ya kutendewa.

Malik alipuliza siwa akiwa kwa Shaka.

(alama 2)

.....

(q) Onyesha matumizi ya **ka** katika sentensi ifuatayo:

Mumbi alitia embe kapuni likaiva.

(alama 1)

.....

(r) Andika sentensi ifuatayo katika hali ya mazoea.

Mmomonyoko wa udongo ulipozuiliwa mashamba yalinawiri.

(alama 2)

.....

(s) Tunga sentensi **moja** kutofautisha maana ya **vito na fito**.

(alama 2)

.....

(t) Methali: Mzigo wa mwenzio ni kanda la usufi, huambiwa mtu anayezidharau shida za wengine. Mtu asiyetambua kuwa kuna wengine wanaoweza kulimudu jambo kuliko yeye huambiwa methali gani?

(alama 1)

.....

- (u) Bainisha kiima na chagizo katika sentensi ifuatayo: (alama 1)  
Mwenyewe alikipenda kwa dhati.
- .....
- (v) Tunatumia kihisishi "makiwa" tunapotaka kumtuliza aliyefiwa, na .....  
tunapotaka mtu atupishe. (alama 1)
- (w) Tunga sentensi ya masharti inayoonyesha kwamba tendo lilifanikiwa kwa sababu  
ya kufanikiwa kwa tendo lingine. (alama 1)
- .....
- (x) Andika nahau inayojumuisha ujumbe ufuatao: (alama 1)  
kumzuia mtu kupata kitu japo huna haja nacho
- .....
- (y) Shumbi ni kwa udongo, ..... kwa chumvi, na ..... kwa mtama.  
(alama 1)

**4 ISIMUJAMII: (Alama 10)**

*Soma makala yafuatayo kisha ujibu maswali.*

Mtu I: Wewe njoo hapa! (*Kwa sauti kubwa.*) Fanya upesi!

Mtu II: (*Anakimbia mbio.*) Naja Sir.

Mtu I: (*Anamtazama.*) Unajifanya mwerevu?

Mtu II: Hapana Sir ... eh ... afande.

Mtu I: Jina?

Mtu II: Samwel Kibao

Mtu I: (*Huku anaandika.*) Lete kitambulisho.

Mtu II: Sina hapa Sir.

Mtu I: Huna kitambulisho? Utafanyiwa *booking* vipi?

Mtu II: Naomba ...

Mtu I: Naomba! Naomba! Unaomba nini? Wazururaji kama nyinyi tunawajua.  
Mnajidai hamjui kuna *curfew*. Mnajiponza wenyewe na kuwahasiri  
wenzenu. Kisha, "Serikali saidia". Usiniharibie muda wangu. (*Akiashiria.*)  
Ingia ndani! Utakuwa mgeni wetu leo. Tutakukirimu chakula na chumba.  
(*Anamsukuma ndani.*)

(a) Bainisha sajili ya makala haya. (alama 2)

.....  
.....

(b) Eleza sifa **nane** za sajili hii kwa kurejelea makala haya. (alama 8)

.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....

**HUU NDIO UKURASA WA MWISHO ULIOPIGWA CHAPA.**

***Kenya Certificate of Secondary Education, 2015***  
**102/2**  
**00108058**

102/3  
KISWAHILI  
Karatasi ya 3  
FASIHI  
Okt./Nov. 2015  
Muda: Saa 2  $\frac{1}{2}$



THE KENYA NATIONAL EXAMINATIONS COUNCIL  
Kenya Certificate of Secondary Education  
KISWAHILI  
Karatasi ya 3  
FASIHI  
Muda: Saa 2  $\frac{1}{2}$



00109059

**Maagizo**

- (a) Jibu maswali *manne* pekee.
- (b) Swali la *kwanza* ni la *lazima*.
- (c) Maswali hayo mengine matatu yachaguliwe kutoka sehemu nne zilizobaki; yaani: Riwaya, Tamthilia, Ushairi na Hadithi Fupi.
- (d) Usijibu maswali *mawili* kutoka sehemu moja.
- (e) Majibu yote *lazima* yaandikwe kwa lugha ya Kiswahili.
- (f) Majibu yote *sharti* yaandikwe kwenye kijitabu cha majibu ulichopewa.
- (g) **Karatasi hii ina kurasa 7 zilizopigwa chapa.**
- (h) **Watahiniwa ni lazima wahakikishe kwamba kurasa zote za karatasi hii zimepigwa chapa sawaswa na kuwa maswali yote yamo.**



## SEHEMU A: FASIHI SIMULIZI

## Lazima

(a) Soma utungo ufuatao kisha ujibu maswali.

Hadithi ya Jabari inasimuliwa na jamii nyingi. Jabari alizaliwa kashika mkuki mkononi. Mawio ambayo kilio chake, ambacho kwa kweli kilikuwa mngurumo, kilipopasua anga, nyota kubwa ilianguka kutoka mbinguni. Ulimwengu mzima ulitetemeka na kutwaa giza.

Hata kabla mama mtu hajampa ziwa, Jabari alikuwa amevuvumuka na kuwa ghulamu wa miraba minne. Haikuchukua muda, hata vita kati ya jamii ya Sule na Suna vikaanza; kikosi cha Sule cha wapiganaji mia moja kikawajia vijana wa Suna kwa sime na nyuta. Jabari aliwakabili kwa konde moja pekee, akakirambisha dongo kita kizima.

- (i) Bainisha kipera cha utungo huu. (alama 1)
- (ii) Toa sababu mbili kuthibitisha jibu lako la (i) hapo juu. (alama 1)
- (iii) Eleza manufaa sita ambayo jamii itapata kwa kukirithisha kipera hiki kwa vizazi vijavyo. (alama 6)

(b) Soma utungo ufuatao kisha ujibu maswali.

Ndimi Mwimo mdumishaji ukoo  
 Ndimi ndoyu mtetemeshwa ardhi  
 Aliyepigana vita, ukoo kuauni  
 Ziliporindima zangu nyayo  
 adui alinywea, mafahali na mitamba akatukabidhi  
 Kwenye misitu sikuwa na kirani  
 Paa na hata visungura  
 vilijikabidhi kwangu  
 kwa kuinusa tu mata  
 Nani aliyewahi  
 ngomani kunipiku?  
 Makoo hawakunisifu, wakarilia nikaha?  
 Kwenye nyanja za michuano  
 nani angethubutu, ndaro kunipigia?  
 Sikuwabwaga chini, kwa yangu maozi, hata kabla hatujavaana?

Kenya Certificate of Secondary Education, 2015

102/3

00109059



- (i) Andika aina ya sifo hii. (alama 1)
- (ii) Bainisha shughuli **mbili** za kiuchumi na **mbili** za kijamii zinazoendelezwa na jamii inayosawiriwa na utungo huu. (alama 2)
- (iii) Eleza mambo **matano** ambayo yanaweza kuzingatiwa ili kufanikisha uwasilishaji wa utungo huu. (alama 5)
- (c) Eleza faida **nne** za matumizi ya nyimbo katika uwasilishaji wa ngano. (alama 4)

### SEHEMU B: RIWAYA

#### K. Walibora: Kidagaa Kimemwozea

Jibu swali la 2 au la 3.

- 2 “Moyo ulimpapa na kijasho chembamba kumtekeriya juu ya mwanzi wa pua. Akahisi uchungu wa mwiba wa kujidunga.”
- (a) Eleza muktadha wa dondoo hili. (alama 4)
- (b) Huku ukirejelea riwaya hii, fafana kwa kutoa hoja **nane**, namna anayelengwa na kauli hii alivyojidunga miiba. (alama 16)
- 3 (a) “Imani ni kielelezo cha vijana waliowajibika.” Thibitisha kauli hii kwa kurejelea mifano **kumi** kutoka Kidagaa Kimemwozea. (alama 10)
- (b) “Nadhani Mzungu pale alipo hana budi kutambua ukomavu wa Mwafrika katika kila sekta ya maisha.”  
Onyesha kinyume katika kauli iliyopigiwa mstari kwa kurejelea uongozi wa Tomoko. (alama 10)

**SEHEMU C: TAMTHILIA****T. Arege: Mstahiki Meya***Jibu swali la 4 au la 5.*

4 “Kushindana naye ni kama kushindana na ndovu. Utapasuka.”

- (a) (i) Eleza muktadha wa dondoo hili. (alama 4)
- (ii) Bainisha tamathali moja ya usemi inayojitokeza katika dondoo hili. (alama 2)
- (b) Kwa kurejelea hoja saba, thibitisha kwamba kushindana na anayerejelewa na kauli hii ni sawa na kushindana na ndovu. (alama 14)

5 “Wahenga wanasema dawa ya adui ni kummegea unachokula.”

- (a) (i) Andika suala linalodokezwa na kauli iliyopigiwa mstari. (alama 2)
- (ii) Jadili hoja nane zinazoonyesha namna suala hili linavyozorotesha hali ya maisha Cheneo. (alama 8)
- (b) Jadili jinsi vyombo vya usalama vilivyotumiwa kuuendeleza uongozi wa Cheneo. (alama 10)

**SEHEMU D: USHAIRI***Jibu swali la 6 au la 7.*

- 6 *Soma shairi lifuatalo kisha ujibu maswali.*

Daima alfajiri na mapema  
 Hunipitia na jembe na kotama  
 Katika njia iendayo kondeni  
 Kama walivyofanya babuze zamani;  
 Nimuonapo huwa anatabasamu  
 Kama mtu aliye na kubwa hamu  
 Kushika mpini na kutokwa jasho  
 Ili kujikimu kupata malisho.

Anapotembea anasikiliza  
 Videge vya anga vinavyotumbuiza  
 Utadhani huwa vimemngojea  
 Kwa usiku kucha kuja kumwimbia;  
 Pia pepo baridi kumpepea  
 Rihi ya maua zikimlelea  
 Nao umande kumbusu miguu;  
 Na miti yote hujipinda migongo  
 kumpapasa, kumtoa matongo;  
 Na yeye kuendelea kwa furaha  
 kuliko yeyote ninayemjua  
 Akichekelea ha ha ha ha ha ha ...

Na mimi kubaki kujiuliza  
 Kuna siri gani inayomliwaza?  
 Au ni kujua au kutojua?  
 Furaha ya mtu ni furaha gani  
 katika dunia inayomhini?  
 Ukali wa jua wamnyima zao  
 Soko la dunia lamkaba koo;  
 Dini za kudhani zamsonga roho  
 Ayalimia matumbo ya waroho;  
 Kuna jambo gani linamridhisha?  
 Kama si kujua ni kutokujua  
 Laiti angalijua, laiti angalijua!

(T. Arege)

*Kenya Certificate of Secondary Education, 2015*  
 102/3

00109059

- (a) Eleza hali ya mzungumziwa katika shairi hili. (alama 4)
- (b) Huku ukitoa mifano, onyesha aina **mbili** za uhuru wa kishairi uliotumiwa katika shairi hili. (alama 2)
- (c) Fafanua aina **tatu** za taswira ukirejelea ubeti wa **pili**. (alama 3)
- (d) Eleza umuhimu wa maswali ya balagha katika shairi hili. (alama 2)
- (e) Bainisha vipengele vifuatavyo vya kimtindo katika shairi hili: (alama 3)
- (i) tashhisi
- (ii) kinaya
- (iii) tashbihi
- (f) Eleza toni ya shairi hili. (alama 2)
- (g) Bainisha nafsineni katika shairi hili. (alama 1)
- (h) Changanua muundo wa shairi hili. (alama 3)

7 Soma Shairi lifuatalo kisha ujibu maswali.

**T. Arege: Mwili**

Leo kitaka nifike, natamani, ila wauma mwili  
Kwa kazi nihusike, samahani, unahitiki mwili  
Napenda nihesabike, makundini, ila huwezi mwili.

Vitisho pamwe kelele, ninavicha, kwa nafsi na mwili  
Ila ugonjwa utimile, umechacha, na kuudhili mwili  
Msikose simile, magalacha, si gurudumu mwili.

Vingekuwepo viraka, kuutia, ngeushuruti mwili  
Kifundi kivipachika, kuingia, hata kuridhi mwili  
Upya ukaungilika, kuvutia, roho na wake mwili.

Lakini kamwe haiwi, kuvipata, vipande vyake mwili  
Sihofu kupata mawi, sitajuta, kupigania mwili  
Hata kufutwa sikawi, nitakita, kidete nao mwili.

Kazi ninaithamini, ni hakika, akilini na mwili  
Ila kamwe siamini, kusagika, damu, jasho na mwili  
Uwele hususani, kioneka, nguvu hitishi mwili.

*Kenya Certificate of Secondary Education, 2015*  
102/3

00109059

- (a) Eleza dhamira ya mtunzi wa shairi hili. (alama 4)
- (b) Fafanua mbinu nne za lugha zilizotumiwa katika shairi hili. (alama 8)
- (c) Eleza toni ya shairi hili. (alama 2)
- (d) Ni nani anayezungumziwa na nafsineni katika shairi hili? (alama 1)
- (e) Eleza bahari ya shairi hili kwa kurejelea vipande. (alama 2)
- (f) Andika ubeti wa mwisho kwa lugha ya nathari. (alama 3)

**SEHEMU E: HADITHI FUPI**

**K. Walibora na S. A. Mohamed (Wah) :** *Damu Nyeusi na Hadithi Nyingine*

“Mizizi na Matawi” (A. Abdulla Ali)

- 8 (a) “Mwisho, naomba sote tusameheane kwa dharti.”
- (i) Fafanua muktadha wa dondo hili. (alama 4)
- (ii) Jadili umuhimu wa hotuba ya mzungumzaji katika hadithi hii. (alama 8)
- (b) Onyesha jinsi hadithi, “Mke wangu” ilivyotumia kinaya kufanikisha ujumbe wake. (alama 8)

**HUU NDIO UKURASA WA MWISHO ULIOPIGWA CHAPA.**